

第二十七冊

明倫彙編

官常典

勳爵部

公輔部

(卷)

二十七

三

古今圖書集成

中華書局影印

第二十二卷

目錄

卷一

卷二

卷三

卷四

卷五

卷六

卷七

卷八

卷九

卷十

卷十一

卷十二

卷十三

卷十四

卷十五

卷十六

卷十七

卷十八

卷十九

卷二十

目錄

古今圖書集成

中華書局影印

欽定古今圖書集成明倫彙編官常典

第一百七十一卷目錄

勳爵部名臣列傳二

魏

羅結

司馬準

司馬天助

唐

杜伏威

郭晞

後唐

錢鏐

宋

錢俶

錢惟治

李從誨

錢惟濟

孟元詰

官常典第一百七十一卷

勳爵部名臣列傳二

魏

羅結

按魏書本傳結代人也其先世領部落爲國附臣劉顯之謀逆也太祖去之結翼衛鑒與從幸賀蘭部後以功賜爵屈地侯太宗時除持節散騎常侍寧南將軍河內鎮將世祖初遷侍中外都大官總三十六曹事年一百七歲精爽不衰世祖以其忠懇甚見信待



監典後宮出入臥內因除長信卿年一百一十詔聽歸老賜大寧東川以爲居業并爲築城卽號曰羅侯城至今猶存朝廷每有大事驛馬詢訪焉年一百一十歲卒贈寧東將軍幽州刺史諡曰貞子斤太宗時爲侍御中散後從世祖討赫連昌世祖追奔入城昌邀擊左右多死斤力戰有功世祖嘉之後錄勳除散騎常侍中四部尚書又加平西將軍後平涼州攻城野戰多有克捷以功賜爵帶方公除長安鎮都大將會蠕蠕侵境馳驛徵還除柔遠鎮都大將後以斤機辯勅與王俊使蠕蠕迎女備後宮又以本將軍開府爲長安鎮都大將卒贈本將軍雍州刺史諡曰靜陪葬金陵子敦襲爵有姿貌善舉止自太子洗馬稍遷散騎常侍庫部尚書卒贈安東將軍幽州刺史諡曰恭子伊利高宗時襲爵除內行長以沉密小心恭勤不怠領御食羽獵諸曹事伊利會病顯祖幸其宅自視醫藥其見待如此稍遷散騎常侍儀曹尚書出爲安東將軍兗州刺史善撫導在州數年邊民歸之五千餘戶高祖時蠕蠕來寇詔伊利追擊之不及而反後依例降爲侯除司農卿光祿大夫卒世宗初贈征北將軍燕州刺史諡曰靜子阿奴亦忠實寡言有智度以勳臣之子除侍御中散襲爵稍遷中散大夫卒子殺鬼襲爵武泰中驛騎將軍南青州刺史敦弟拔歷殿中尚書賜爵濟南公高祖時進爵爲王除征西將軍吏部尚書改封趙郡王後例降爲公卒贈寧東將軍定州刺史諡曰康陪葬金陵

司馬景之 司馬準

按魏書本傳景之字洪略晉汝南王亮之後太宗時

歸闕爵蒼梧公加征南大將軍清直有節操太宗甚重之卒贈汝南王子師子襲爵景之兄準字巨之以大常末率三千餘家歸國時太宗在虎牢授準遠將軍新蔡公假相州刺史隨駕至京出除廣寧太守悅近來遠清儉有稱世祖嘉之賜布六百疋後降號爲平遠將軍改爲密陵侯與光初卒子安國襲爵

司馬叔璠

按魏書本傳叔璠晉安平獻王孚之後也父曇之司馬德宗河間王桓元劉裕之際叔璠與兄國璠北奔慕容超後西投姚興劉裕滅姚泓北奔屈丐世祖平統萬兄弟俱入國璠賜爵淮南公卒無子爵除叔璠安遠將軍丹陽侯卒長子靈壽神席中與弟道壽俱來歸國靈壽冠軍將軍將軍溫縣侯道壽寧朔將軍宜陽子靈壽出除陳郡太守劉義隆侵境詔靈壽招引義士得二千餘人從西平公安頓破虎牢滑臺洛陽三城徙五百餘家入河內又從討蠕蠕西征涼州所在著功出爲遼西太守治有清儉之稱太和九年卒贈懷州刺史諡曰靖靈壽娶太宰頓丘王李峻女與婦父雅不相善每見抑退故位不大至子惠安高祖時襲爵歷恆州別駕桑乾太守太尉諮議參軍事卒子宗龐世宗時父惠安以久病啓以爵轉授解褐安定王府騎兵參軍洛州龍驤府司馬善射未曾自伐性閒淡少所交遊識者云其淳至末安中卒子嵩亮襲道壽子元興襲父爵

司馬天助

按魏書本傳天助自云司馬德宗驛騎將軍元顯之子劉裕自立乃來歸闕除平東將軍青徐二州刺史

東海公天助招率義士欲襲裕東平濟北二郡及城
戍又破裕將閻萬齡軍前後多所虜獲拜侍中都督
青徐兗三州諸軍事征東將軍青兗二州刺史公如
故真君三年與司馬文思等南討還又從駕北征在
陣歿子元伯字歸都襲爵後降溫縣子太和中爲建
威將軍泰山太守

按北史司馬楚之傳司馬氏桓元劉裕之際歸北者
又有司馬景之叔璠天助位並崇顯天助自云晉驃
騎將軍元顯之子歸闕封東海公歷青兗二州刺史

唐

杜伏威

按唐書本傳伏威齊州章丘人少豪蕩不治生資與
里人輔公祏約別頭交公祏數盜姑家羊餽伏威縣
迹捕急乃相與亡命爲盜時年六十六嘗營護諸盜
出爲導入爲殿故其黨愛服共推爲主隋大業九年
入長白山依賊左君行不得意舍去轉刺淮南稱將
軍下邳賊苗海潮擁衆鈔暴伏威遣公祏脅諭海潮
懼卽以衆下之江都畱守遣校尉朱額將兵捕擊伏
威與戰僞北誘額墮棧澤中順風縱火迫之步騎
燒死幾盡海陵賊趙破陣聞伏威兵少輕之召使并
力伏威引親將十人操牛酒謁勒公祏嚴兵待變破
陣引伏威入幕置酒悉召酋首高會伏威笑斬破陣
衆貽駭不及救後殺數十人下皆畏服公祏兵亦至
遂并其衆至數萬攻安宜屠之隋遣虎牙郎將來整
戰於黃花輪伏威大敗身重創與公祏財有衆數百
匹去行收卒得八千與虎牙郎將公孫上哲戰于鹽
城覆其軍煬帝遣右禦衛將軍陳稜以精兵討之稜

不敢戰伏威遣以婦人服書稱陳姥怒其軍稜果悉
兵至伏威迎出挑戰稜軍射中其額伏威怒曰不殺
汝矢不拔遂逐入稜陣大呼衝擊衆披靡獲所射將
使拔箭已斬之攜其首入稜軍示之又殺數十人遂
大潰稜走而兇進破高郵引兵渡淮攻歷陽捷之稱
總管分兵徇屬縣皆下江淮羣盜爭附伏威還歿死
士五千號上募寵厚之與均甘苦每攻取必先登戰
罷閱創在背者殺之所虜獲必分與麾下士有戰死
以其妻殉故人自奮戰無完敵宇文化及以爲歷陽
太守不受徙丹陽自稱大行臺始進用士人繕利兵
械薄賦斂除殉葬法民奸若盜及吏受賕雖輕皆殺
無赦上表越王侗伺以爲東南道大總管封楚王是
時秦王方討王世充遣使招懷伏威乃獻款高祖授
以東南道行臺尚書令江淮安撫大使上柱國吳王
賜姓豫屬籍以其子德俊爲山陽公賜帛五千段馬
二百匹伏威遣其將陳正通徐紹宗以兵會取世充
之梁郡又遣將王雄誕討李子通于杭州禽以獻破
汪華于歙州盡有江東淮南地南屬嶺東至于海秦
王己平劉黑闥師次曹兌伏威懼乃入朝詔拜太子
太保兼行臺尚書令留京師位在齊王元吉上以寵
之伏威好神仙長年術餌雲母被毒武德七年二月
暴卒初公祏反矯伏威令以給衆郡王孝恭既平
公祏得反書以聞高祖追其官削屬籍沒入家產貞
觀元年太宗知其冤詔復官爵以公禮葬仍還其子
封伏威有養子三十人皆壯士屬以兵與同衣食唯
闕稜王雄誕知名

郭曜

按唐書郭子儀傳子儀子曜性沈靜資貌現傑累從
節度府辟署破虜有功爲開陽府果毅都尉至德初
推子儀功授衛尉卿累遷太子詹事太原郡公子儀
專征伐曜留治家事少長無間言諸弟或飾池館盛
車服曜獨以村簡自處子儀罷兵還太子少保昆弟
六人共制拜官子儀薨以遺命簿上四朝所賜名馬
珍物德宗復賜之乃悉散諸弟居喪以禮疾甚或勸
茹菽蕘終不屬口後盧杞秉政忌勳族子儀塔太僕
卿道縱少府少監李洞清光祿卿王宰皆以次得罪
奸人幸其危多論奪田宅奴婢曜大恐獨宰相張鎰
力保護德宗稍聞之詔有司曰尚父子儀有大動力
保父王家嘗誓山河琢金石許有十世前日其家市
田宅奴婢而無賴者以尚父歿妄論奪之自今有司
毋得受建中三年卒贈太子太傅諡曰孝初曜襲代
國公食二千戶貞元初詔減半以封肅懷映曙人二
百五十戶未幾復詔四人各減五十戶封曜子鋒昭
子鏞各百戶云

郭晞

按唐書郭子儀傳子儀子晞善騎射從征伐有功復
兩京戰最力出奇兵破賊眾進鴻臚卿河中軍亂子
儀召首惡誅之其支黨猶及仄晞選親兵晝夜警以
備非常奸人不得發以功拜殿中監吐蕃回紇入寇
加御史中丞領朔方軍援邠州與馬璘合軍擊虜破
之虜復來陣涇水北子儀遣晞率徒兵五千騎五百
襲虜晞以兵寡不進須暮賊半濟乃擊斬首五千級
加御史大夫子儀固讓乃止居父喪值朱泚亂南走
山谷賊昇致之欲汙以官伴瘠不答賊露兵脅之不

動數以城中事貽書李晟既而奔奉天天子還改太子賓客子銅從朔方杜希全幕府希全傲爲豐州刺史歸憐其弱不任事丐罷德宗遣使者召銅銅疑得罪挺身走吐蕃不納希全執送京師賜死晞坐免尋復太子賓客累封趙國公卒贈兵部尚書孫承振

後唐

錢鏐

按五代史吳越世家鏐字具美杭州臨安人也臨安里中有大木鏐幼時與羣兒戲木下鏐坐大石指麾羣兒爲隊伍號令頗有法羣兒皆憚之及壯無賴不事生業以販鹽爲盜縣錄事鍾起有千數人與鏐飲博起嘗禁其諸子諸子多竊從之遊豫章人有善術者望牛斗間有王氣牛斗錢塘分也因遊錢塘占之在臨安乃之臨安以相法隱市中陰求其人起與術者善術者私謂起曰占君縣有貴人求之市中不可得視君之相貴矣然不足當之起乃爲置酒悉召縣中賢豪爲會陰令術者徧觀之皆不足當術者過起家鏐適從外來見起反走術者望見之大驚曰此眞貴人也起笑曰此吾旁舍錢生爾術者召鏐至熟視之顧起曰君之貴者因此人也乃慰鏐曰子骨法非常願自愛因與起訣曰吾求其人者非有所欲也直欲質吾術爾明日乃去起始縱其子等與鏐遊時時貸其窮之鏐善射與梁稍通圖緯諸書唐乾符二年

浙西裨將王郢作亂石鑑鎮將董昌募鄉兵討賊表鏐偏將擊郢破之是時黃巢衆已數千攻掠浙東至臨安鏐曰今鎮兵少而賊兵多難以力禦宜出奇兵邀之乃與勁卒二十人伏山谷中巢先鋒度險皆單騎鏐伏弩射殺其將巢兵亂鏐引勁卒蹂之斬首數百級鏐曰此可一用爾若大衆至何可敵耶乃引兵趨八百里八百里地名也告道旁媼曰後有問者告曰臨安兵屯八百里矣巢衆至聞媼語不知其地名皆曰嚮十餘卒不可敵况八百里乎遂急引兵過都統高駢聞巢不敢犯臨安壯之名董昌與鏐俱至廣陵久之駢無討賊意昌等不見用辭還駢表昌杭州刺史是時天下已亂昌乃團諸縣兵爲八都以鏐爲都指揮使成及爲靖江都將中和二年越州觀察使劉漢宏與昌有隙漢宏遣其弟漢宥都虞候辛約屯兵西陵鏐率八都兵渡江竊敵軍號斫其營營中驚擾因焚之漢宥等皆走漢宏復遣將黃珪何肅屯諸暨蕭山鏐皆攻破之與漢宏遇戰大敗之殺何肅辛約漢宏易服持膽刀以逕追者及之漢宏曰我幸夫也舉刀示之乃免四年僖宗遣中使焦居璠爲杭越通和使詔昌及漢宏罷兵皆不奉詔漢宏遣其將朱褒韓公政施堅實等以舟兵屯望海鏐出平水成及夜率奇兵破褒等于曹娥球進屯豐山施堅實等降遂攻破越州漢宏走台州台州刺史執漢宏送於鏐斬于會稽族其家鏐乃奏昌代漢宏而自居杭州光啓三年拜鏐左衛大將軍杭州刺史昌越州觀察使是歲畢師鐸囚高駢淮南大亂六合鎮將徐約攻取蘇州潤州牙將劉浩逐其帥周寶寶奔常州浩推度

支催勘官薛朗爲帥鏐遣都將成及杜稜等攻常州取周寶以歸鏐具軍禮郊迎館資于樟亭寶病卒稜等進攻潤州遂剽浩執薛朗剖其心以祭寶然後遣其弟錄攻徐約敗走入海追殺之昭宗拜鏐杭州防禦使是時楊行密孫儒爭淮南與鏐戰蘇常間入之備爲行密所殺行密據淮南取潤州而鏐亦取蘇常唐升越州威勝軍以董昌爲節度使封隴西郡王杭州武威軍拜鏐都團練使以成及爲副使及字弘濟與鏐同事攻討謀多出於及而鏐以女妻及子仁琇鏐乃以杜稜阮結顧全武等爲將校沈崧皮光業林鼎羅隱爲賓客景福二年拜鏐鎮海軍節度使潤州刺史乾寧元年加同中書門下平章事二年越州董昌反昌素愚不能決事臨民訟以散子擲之而勝者爲直妖人應智王溫巫韓媼等以妖言惑昌獻鳥獸爲符瑞牙將倪德儒謂昌曰曩時謠言有羅平鳥主越人禍福民間多圖其形禱祠之視王書名與圖類因出圖以示昌昌大悅乃自稱皇帝國號羅平改元順天分其兵爲兩軍中軍衣黃外軍衣白銘其衣曰歸義副使黃竭切戒昌以爲不可昌大怒使人斬竭持其首至罵曰此賊負我好聖明時三公不肯作乃自求死耶投之圖中昌乃以書告鏐鏐以昌反狀聞昭宗下詔削昌官爵封鏐彭城郡王浙江東道招討使鏐曰董氏於吾有恩不可遽伐乃以兵三萬屯迎恩門遣其客沈滂諭昌使改過昌以錢二百萬犒軍執應智等送軍中自請待罪鏐乃還兵昌復拒命遣其將陳郁崔溫等屯香嚴石侯乞兵于楊行密行密遣安仁義救昌鏐遣顧全武攻昌斬崔溫昌所用

諸將徐瑒湯曰袁邠等皆庸人不知兵遇全武輒敗昌兄子真驍勇善戰全武等攻之逾年不能克真與其裨將刺羽有隙刺羽謂之昌殺真兵乃敗全武執昌歸杭州行至西小江昌顧其左右曰吾與錢公俱起鄉里吾嘗爲大將今何面復見之乎左右相對泣下因瞑目大呼投水死昭宗以宰相王溥鎮越州溥請授鏐乃改威勝軍爲鎮東軍拜鏐鎮海鎮東軍節度使加檢校太尉中書令賜鐵券恕九死鏐如越州受命還治錢塘號越州爲東府光化元年移鎮海軍于杭州加鏐檢校太師改鏐鄉里曰廣義鄉勳貴里鏐素所居營曰衣錦營婺州刺史王壇叛附于淮南楊行密遣其將康儒應壇因攻睦州鏐遣其弟錄敗儒于軒渚壇奔宣州昭宗詔鏐圖形凌煙閣升衣錦營爲衣錦城石鑑山曰衣錦山大官山曰功臣山鏐遊衣錦城宴故老山林皆覆以錦號其幼所嘗戲大木曰衣錦將軍天福二年封鏐越王鏐巡衣錦城武勇右都指揮使徐綰與左都指揮使許再思叛焚掠城郭攻內城鏐子傳瑛及其將馬綽陳爲等閉門拒之鏐歸至北郭門不得入成及代鏐與綰戰斬首百餘級綰屯龍興寺鏐微服踰城而入遣馬綽王榮杜建徽等分屯諸門使顧全武備東府全武曰東府不足慮可慮者淮南爾綰急必召淮兵至患不細矣楊公大夫夫今以難告必能問我鏐以爲然全武曰獨行事必不濟請擇諸公子可行者鏐曰吾嘗欲以元璿婚楊氏乃使隨全武如廣陵綰果召田頌於宣州全武等至廣陵行密以女妻元璿亟召頌還頌取鏐錢百萬質鏐子元瓘而歸天祐元年封鏐吳王鏐建

功臣堂立碑紀功列實佐將校名氏於碑陰者五百人四年升衣錦城爲安國衣錦軍梁太祖即位封鏐吳越王兼淮南節度使客有勸鏐拒梁命者鏐笑曰吾豈失爲孫仲謀耶遂受之太祖嘗問吳越進奏吏曰錢鏐平生有所好乎吏曰好玉帶名馬太祖笑曰眞英雄也乃以玉帶一匣打毬御馬十匹賜之江西危全胤等爲楊渥所敗信州危行昌奔於鏐鏐惡其姓改曰元開平二年加鏐守中書令改臨安縣爲安國縣廣義鄉爲衣錦鄉三年加守太保楊渥將周本陳章圍蘇州鏐遣其弟鋸鏐救之淮兵爲水柵環城以銅鈴繫網沈水中斷潛行者水軍卒司馬福多智而善水行乃先以巨竹觸網淮人聞鈴聲遂舉網福乃過入城中其出也亦然乃取其軍號內外夾攻號令相應淮人以爲神遂大敗之本等走擒其將閻丘直何明等四年鏐遊衣錦軍作還鄉歌曰三節還鄉今掛錦衣父老遠來相追隨牛斗無字人無歎吳越一王駟馬歸乾化元年加鏐守尚書令兼淮南宣潤等道四面行營都統立生祠於衣錦軍鏐弟鏐居湖州壇殺戍將潘長懼奔於淮南二年梁鄧王友珪立開尊鏐尚父末帝貞明二年加鏐天下兵馬都元帥開府置官屬四年楊隆演取虔州鏐始由海路入貢京師龍德元年賜鏐詔書不名唐莊宗入洛鏐遣使貢獻求玉冊莊宗下其議於有司羣臣皆以謂非天子不得用玉冊郭崇韜尤爲不可旣而許之乃賜鏐玉冊金印鏐因以鎮海等軍節度授其子元瓘自稱吳越國王更名所居曰宮殿府曰朝官屬皆稱臣起玉冊金券詔書三樓于衣錦軍遣使冊新羅勒海

王海中諸國皆封拜其君長明宗初即位安重誨用事鏐致書重誨書辭嫂重誨大怒是時供奉官烏昭遇韓政使吳越既還政誣稱臣舞蹈重誨乃奏削鏐王爵元帥尚父以太師致仕元瓘等遣人以絹表間道自陳安重誨死明宗乃復鏐官爵長興三年鏐卒年八十一諡曰武肅子元瓘立元瓘子明寶少爲質于田頌頌叛于吳楊行密會越兵攻之頌每戰敗歸即欲殺元瓘頌母嘗蔽護之後頌將出語左右曰今日不勝必斬錢郎是日頌戰死元瓘得歸鏐臥病召諸大將告之曰吾子皆愚懦不足任後事吾死公等自擇之諸將泣下皆曰元瓘從王征伐最有功諸子莫及請立之鏐乃出篋輸數篋名元瓘與之曰諸將許爾矣鏐卒元瓘立襲封吳越國王玉冊金印皆如鏐故事王延政自立于建州閩中大亂元瓘遣其將仰詮薛萬忠等攻之逾年大敗而歸元瓘亦善撫將士好儒學善爲詩使其國相沈崧置揮能院選吳中文士錄用之然性尤奢侈好治宮室天福六年杭州大火燒其宮室迨盡元瓘避之火輒隨發元瓘大懼因病在是歲卒年五十五諡曰文穆子佐立佐字祐立時年十三諸將皆少佐佐初優客之諸將稍不法佐乃黜其大將章德安于明州李文慶于睦州殺內都監杜昭達統軍使闕璠由是國中皆畏恐王延義延政兄弟相攻卓儼明朱文進李仁達等自相篡殺連兵不解者數年仁達附于李景已而又叛景景兵攻之仁達求救于佐佐召諸將計事諸將皆不欲行佐奮然曰吾爲元帥而不能舉兵邪諸將皆吾家素畜養獨不肯以身先我乎有吳吾議者斬乃遣其

統軍使張筠趙承泰等率兵三萬水陸赴之遣將督軍號令齊整筠等大敗景兵俘敵萬計獲其將楊業蔡遇等遂取福州而還由是諸將皆服佐立七年襲封吳越國王王冊金印皆如元璵開運四年佐卒年二十諡曰忠獻弟俶立俶字文德佐卒弟侖以次立初元璵質于宣州以胡進思戴惲等自隨元璵立用進思等為大將佐既年少進思以舊將自待甚見尊禮及俶立頗卑侮之進思不能平俶大閱兵于碧波亭方第賞進思前諫以賞太厚俶怒擲筆水中曰以物與軍士吾豈私之何見答也進思大懼咸除書工獻鍾馗擊鬼圖俶以詩題圖上進思見之大悟知俶將殺己是夕擁衛兵廢俶囚于義和院迎俶立之遷侖于東府俶歷漢周襲封吳越國王賜王冊金印世宗征淮南詔俶攻常宣二州以牽李景俶治國中兵以待景聞周師將大舉乃遣使安撫境上皆戒嚴蘇州候吏陳滿不知景使以謂朝廷已克諸州遣使安撫矣亟言于俶請舉兵以應俶相國吳程遽調兵以出相國元德昭以為王師未必渡淮與程爭于俶前不可奪程等攻常州果為景將柴克宏所敗程裨將郤可遷力戰可遷于死馬前猶戰不顧程等僅以身免周師渡淮俶乃盡括國中丁民益兵使郤可遷等以戰船四百艘水軍萬七千人至于通州以會期吳越自唐末有國而楊行密李昇據有江淮吳越貢賦朝廷遣使皆由登萊泛海歲常飄溺其使顯德四年詔遣左諫議大夫尹日就吏部郎中崔頌等使于俶世宗諭之曰朕此行決平江北卿等還當陸來也五年王師征淮正月克靜海軍而日就等果陸還世宗

已平淮南遣使賜俶兵甲旗幟橐駝羊馬錢氏兼有兩浙幾百年其人比諸國號為怯弱而俗喜淫侈偷生工巧自鑿世常重斂其民以事者偕下至雞魚卵殼必家至而日取每笞一人以責其負則諸案吏各持其簿列于廷凡一簿所負唱其多少量為笞數已則以次唱而笞之少者猶積數十多者至笞百餘人尤不堪其苦又多掠得嶺南商賈寶貨當五代時常貢奉中國不絕及世宗平淮南宋興荆楚諸國相次歸命俶勢益孤始傾其國以事貢獻太祖皇帝時俶嘗來朝厚禮遣還國俶喜益以器服珍奇為獻不可勝數太祖曰此吾帑中物爾何用獻為太平興國三年詔俶來朝俶舉族歸于京師國除其後事具國史

宋 錢俶

按宋史吳越世家俶字文德杭州臨安人本名弘俶以犯宣祖偏諱去之祖饒因黃巢之亂據有吳越昭宗授以杭越兩藩節制封彭城郡王歷梁後唐加吳越國王卒于元璵嗣元璵卒于佐嗣佐卒弟侖嗣為其大將胡進思所廢遂迎立俶事具五代史俶即元璵之第九子也母越國恭懿夫人吳氏晉開運中為台州刺史數月有僧德詔語俶曰此地非君為治之

所當速歸不然不利俶從其言即求歸國未幾有進思之變漢乾祐初授東南面兵馬都元帥鎮海鎮東軍節度使開府儀同三司檢校太師兼中書令杭越等州大都督吳越國王賜號翊聖廣運同德保定功臣賜以金印玉冊三年江南遣其將查文徽攻福州俶發兵擒文徽獻捷加尚書令周廣順初授諸道兵馬元帥二年授天下兵馬元帥改賜推誠保德安邦致治忠正功臣六月丁母憂起服世宗即位授天下兵馬都元帥顯德三年世宗征淮南令俶以所部分路進討俶遣偏將吳程圍毘陵陷闕城擒刺史趙仁澤路彥銖圍宣城俶軍戰敗復失常州會李景上表求割地內附詔俶班師五年夏四月杭州天府舍悉為煨燼將延及倉庾俶命酒祝曰食為民天若盡焚之民命安仰火遂止世宗聞之遣內侍賁詒恤問是歲淮南內屬遣翰林學士陶穀司天監趙修己使俶賜羊馬橐駝自是以為常七月又遣閣門使曹彬賜俶兵甲旗幟六年恭帝嗣位賜崇仁昭德宣忠保慶扶天翊亮功臣建隆元年授天下兵馬大元帥俶勇寧國軍節度吳延福有異圖左右勸俶誅之俶曰先夫人同氣安忍置干法言訖嗚咽流涕但黜延福于外終全母族自太祖受命俶貢奉有加常數二年遣使賜俶戰馬二百羊五千橐駝三十乾德元年以白金萬兩犀牙各十株香藥一十五萬斤金銀珠璣瑇瑁器數百事來貢改賜承家保國宣德守道忠正恭順功臣是多郊祀遣其子惟溶入貢開寶五年改賜開吳鎮越崇文耀武宣德守道功臣封其妻孫氏為賢德順穆夫人未幾遣幕吏黃夷簡入貢上謂之

曰汝歸語元帥常訓練兵甲江南疆備不朝我將發師討之元帥當助我無惑人言云皮之不存毛將安傳特命有司造大第于薰風門外連亘數坊棟宇宏麗儲侍什物無不悉具因召進奏使錢文贊謂之曰朕數年前令學士承旨陶穀草詔比來城南建離宮令賜名禮賢宅以待李煜及汝主先來朝者以賜之詔以草示文贊遂遣文贊賜假戰馬及羊論旨于假七年五月賜假襲衣玉帶玉鞍勒馬金器二百兩銀器三千兩錦綺千段是冬討江南遣內客省使丁德裕齋詔以假爲昇州東面招撫制置使賜戰馬二百匹旌旗劍甲令德裕以禁兵步騎千人爲假前鋒盡護其軍李煜貽書于假其略曰今日無我明日豈有君一旦明天子易地酬勳王亦大梁一布衣耳假不答以書來上八年假率兵拔常州加守太師詔假歸國假遣大將沈承禮等率兵水陸隨王師平潤州遂進討金陵上嘗召進奏使任知果令論旨于假曰元帥克毗陵有大功侯平江南可暫來與朕相見以慰延想之意即當遣還不久留也朕三執圭幣以見上帝豈貪言乎江南平論功以假大將沈承禮孫承祐並爲節度使爲防禦使者一人刺史六人九年二月假與其妻孫氏子惟澄平江軍節度使孫承祐來朝上遣皇子興元尹德昭至唯陽迎勞假將至車駕先幸禮賢宅按視供帳之具及至詔假居之對于崇德殿貢白金四萬兩絹五萬疋賜襲衣玉帶金器千兩白金器三千兩羅綺三千段玉勒馬即日宴長春殿假又貢白金三萬兩絹三萬疋乳香三萬斤賀平江左貢白金五萬兩錢十萬貫絲百八十萬兩茶八萬

五千斤犀角象牙二百株香藥三百斤車駕幸其第又貢白金十萬兩絹五萬疋乳香五萬斤以助郊祀三月庚午詔曰古者宗工大臣特被隆眷或劍履上殿或書詔不名率由豐功待以殊禮今我兼其名數用獎勵賢輝映古今允爲優異咨爾吳越國王錢假德隆宏茂器識深遠撫吳區于吳會勒洪伐于宗彝昨以江表不庭王師致討委方面之兵柄克常潤之土宇輔翼帝室震疊皇靈而乃執圭來庭垂紳就列聲事君之誠懇爲羣后之表儀爰峻徽章以旌元老可特賜劍履上殿書詔不名以假妻賢德順穆夫人孫氏爲吳越國王妃令惟澄實詔賜之宰相以爲異姓諸侯王妻無封妃之典太祖日行自我朝表異恩也假獻白金六萬兩絹六萬匹爲謝太祖數詔假與其子惟濬宴射苑中惟諸王預坐每宜論假假拜謝多令內侍掖起假感泣又嘗一日召宴獨太宗秦王侍坐酒酣太祖令假與太宗秦王敘昆仲之禮假伏地叩頭涕泣固讓乃止會將以四月幸西京親零祀假懇請扈從不許惟濬侍祠令假歸國太祖宴錢于講武殿賜穿衣玉束帶玉鞍勒馬玳瑁鞍金銀錦綵二十餘萬銀裝兵八百事謂假曰南北風土異宜漸及炎暑卿可早發假涕泣言願三歲一朝太祖曰川陸迂遠當俟詔旨即來觀也假將發京師特賜導從儀衛之物率皆鮮麗令自禮賢宅陳列至迎春苑自假之至逮于歸國太祖所賜金器萬兩白金器又數萬兩白金十餘萬兩錦綺綾羅絢繡四十餘萬匹馬數百匹他物不可勝計假既歸國嘗視事功臣堂一日命坐于東偏謂左右曰西北者神京在焉天威

不遠顏咫尺假豈敢寧居乎太宗即位加食邑五千戶假貢御衣通天犀帶絹萬匹金器瑠璃器百餘事金銀鉞器五百事塗金銀香臺龍腦檀香牀銀假果水晶花凡數千計價值鉅萬又貢犀角象牙三十株香藥萬斤乾薑五萬斤茶五萬斤假又請歲常貢詔不許太平興國二年正月孫氏卒遣給事中程羽弔祭九月上言乞所賜詔書呼名不許三年三月來朝遣判四方館事梁迥至泗州迎勞惟濬先在闕下上遣至唯陽候假假先遣孫承祐入奏事上即遣承祐護諸司供帳勞假于郊又令齊王廷美宴假于迎春苑假至對于崇德殿賜襲衣玉帶金銀器玉鞍勒馬錦綵萬匹錢千萬資佐崔仁贇等賜金銀帶器幣鞍馬有差即日宴假長春殿令劉鋹李煜預坐假貢白金五萬兩錢萬萬絹十萬匹綾二萬匹綿十萬屯茶十萬斤建茶萬斤乾薑萬斤越器五萬事錦綵席千金銀書舫三銀飾龍舟四金飾烏楠木御食案御牀各一金椅疊饌雪各一金飾瑠璃器三十事金鉞藤盤二金鉞雕象組十銀假果樹十事翠毛眞珠花三叢七寶飾食案十銀樽鼎十酸罍副焉金鉞越器百五十事雕銀組五十密假果剪羅花各二十樹銀鉞大盤十銀裝鼓二七寶飾胡琴五絃箏各四銀飾篋篋方響羯鼓各四紅牙樂器二十二事乳香萬斤犀角象牙各一百株香藥萬斤蘇木萬斤上又嘗召假及其子惟濬宴後苑泛舟池中上手酌酒以賜假假跪飲之其恩待如此四月會陳洪進納土假上言曰臣伏有懇誠貯于肺腑幸因人觀輒敢上聞蓋虞神道之害盈必冀天慈之從欲臣近蒙朝廷賜以劍

履上殿詔書不名仍以本道領募卒徒常管戈甲特建國王之號俾增師律之嚴皆所以假其寵名託于鄰敵方令幅員無外名數洞分豈可冒居自羅公議合從省罷以正等威除本道軍士器甲臣已會奏納外其所封吳越國王及天下兵馬大元帥職名望皆許解罷凡頒詔命願復名呼庶聖朝無虛授之恩微臣免疾顛之禍優詔不許五月乙酉假再上表臣慶遇承平之運遠修肆觀之儀宸眷彌隆寵幸皆極手胥之量實覺滿盈丹赤之誠輒茲披露臣伏念祖宗以來親提義旅尊戴中京略有兩浙之土田討平一方之僭逆此際蓋隔朝天之路莫諸請吏之心然而稟號令于闕庭保封疆于邊徼世家承襲已及百年今者幸遇皇帝陛下嗣守丕基削平諸夏凡在率濱之內悉歸輿地之圖獨臣一邦僻介江表職貢雖陳于外府版籍未歸于有司尚令山越之民宿隔陶唐之化太陽委照不及蒨家春雷發聲猶為疊俗則臣實使之然也罪莫大焉不勝大願願以所管十三州獻于闕下執事其間地里名數別具條析以聞伏望陛下念奕世之忠勤察乃心之傾向特降明詔允茲至誠詔答曰卿世濟忠純志遵憲度承百年之堂構有千里之江山自朕纂臨率修觀禮觀文物之全盛喜書軌之混同願親日月之光遠忘江海之志甲兵樓櫓既悉上于有司山川土田又盡獻于天府畢宗效順前代所無書之簡編永彰忠烈所請宜依丁亥詔曰漢寵功臣率著帶河之誓周尊元老遂分表海之邦其有奄宅勾吳早綿星紀包茅入貢不絕于累朝羽檄起兵備嘗于百戰適當輯瑞而來勤爰以提

封而上獻宜遷內地別錫爰田彌昭啓土之榮俾增書社之數吳越國王錢俶天資純慈世濟忠貞兆積德于靈源書大勳于策府近者慶冲人之踐祚奉國珍而來朝齒華羽毛既修其常貢土田版籍又獻于有司願宿衛于京師表乃心于王室眷茲誠節宜茂寵光是用列西楚之名區析長淮之奧壤建茲大國不遠舊封載疏千里之疆更重四征之寄囑其爵邑施及子孫永承輔于皇家用對揚于休命垂厥百世不其偉歟其以淮南節度管內封俶為淮海國王仍改賜軍淮鎮海崇文耀武宣德守道功臣即以禮賢宅賜之惟濬為節度使兼侍中惟治為節度使惟演為團練使惟顯暨姪郁昱並為刺史弟儀信並為觀察使將校孫承祐沈承禮並為節度使禮貌隆盛冠絕一時是歲七月中元京城張燈令有司于假宅前設燈山陳樂以寵之八月令兩浙發假總麻以上親及管內官吏悉歸朝凡舟一千四十四艘所過以兵護送杭州貢假樂人凡八十有一人詔以三十六人還杭州四十五人賜假假上表謝上親畫付中書送史館四年二月宴苑中假被病拜不能起上命以銀裝有輿送歸因以賜之四月從征太原賜羊三百酒十斛假小心謹慎每晨趨行闕人未有至者假必先至假寐以待旦上知之謂假曰卿已中年宜避風冷自今入謁不須太早也特輟御前二大燭以賜之令先赴前頓上嘗賜從臣食于中路頓并賜衛士羊臂膾厄酒觀其飲啖上見其雄壯因顧假假進曰所謂如虎如貔如熊如羆者也會劉繼元降上御連城臺誅軍中先亡命太原者顧謂假曰卿能保全一方以

歸于我不致血刃深可嘉也假頓首謝假中途被足疾車駕親臨問令太醫然艾以灸疾尋愈還京策動宰相進擬加食邑萬戶實封千戶上即改曰麻倍加食邑二萬戶實封二千戶五年八月假被病上臨問賜白金萬兩錢千萬絹萬匹金器千兩賜其子惟濬惟治白金各萬兩是冬車駕幸大名府詔假乘肩輿即路六年又被病賜告久之上遣中使賜假文楸棋局水精碁子乃諭旨曰朕幾務之餘頗曾留意以卿在假可用此遣日八年十二月上言曰臣以最爾之軀蒙被恩寵賦祿百萬兼職數四元帥之任實本于兵權國王之號蓋屏于帝室尚書總百揆之重中書掌八柄之繁維師冠于上台開府當于極品臣之屏瑱罔克負荷邦國之制式著等威名器之置固有涯分徒速罪戾以取顯降伏望聖旨特從省罷不計表三上下詔曰分茅胙土所以彰世及之榮大略繁縷所以表名器之重至若褒寵勳德越典常咨于舊章爰推異數乃有體好謙之德形固讓之辭敦諭再三確乎不拔用曲至公之論式光知止之風淮海國王錢俶方岳炳靈風雲通感奄有勾吳之地不忘象魏之心掃境來朝舉宗宿衛籍其土宇入于朝廷式昭職員昨之淮海居天子二老之任啓真王萬戶之封併加寵章用答忠順而乃屢形表疏願避官榮發于深衷誠不可奪若以靈臺偃伯武庫彙兵天下一家書軌之無外五侯九伯征伐之不行願假元帥之名勉徇由衷之請其乃世祚明德存于帶礪之盟帝賚良弼寵以台輔之任極駁貴之簡增衍食之封非足辭庸適以昭德勉膺渥澤克副眷懷可罷天下兵

馬大元帥餘如故雍熙元年改封漢南國王四年春出爲武勝軍節度改封南陽國王俟久被病詔免入辭將發賜玉束帶金唾壺盤盃等俟四上表讓國王改封許王端拱元年春徙封鄧王會朝廷遣使賜生辰器幣與使者宴飲至暮有大流星墜正寢前光燭一庭是夕暴卒年六十俟以天咸四年八月二十四日生至是八月二十四日卒復與父元瑾卒日同人皆異之上爲廢朝七日追封秦國王諡忠懿仍正衙備禮發冊曰皇帝若曰吳尊眷祐賢哲挺生稟象緯之純精負經綸之盛業作民父母爲國輸垣其存也冠中臺而長諸侯其沒也峻徽章而崇禮命咨爾故安時鎮國崇文耀武宣德守道功臣武勝軍節度鄧州管内觀察處置等使開府儀同三司守太師尚書令兼中書令使持節鄧州諸軍事行鄧州刺史上柱國鄧王食邑九萬七千戶食實封一萬六千九百戶賜劍履上殿詔書不名錢俶嗣祖考之令德奠東南之奧區開國承家本仁祖義以忠孝而保社稷以廉讓而化人民勤翊戴於累朝克惠綏於一境世傳威略志慕聲明當武庫戢兵洞閱詩書之府泊秣陵問罪雄張犄角之師致區宇之同文賴忠良之協力逮於纂紹益享崇高蘊明哲而保身務傾輸而竭節盡獻土壤來歸闕廷予嘉乃功荐錫殊寵而道隆簡退志尚謙冲屢辭卻毅之權難奪范宣之讓朕深惟勤舊俾就養願爰出殷於大邦庶聿臻於眉壽式繁元老永輔眇躬何天道之難誅而梁木之斯壞長沙既往空存甲令之勳征虜云亡但見雲臺之像贈轉從於異等嗟悼廢於臨朝寧酬柱石之勳未極君臣之

分庸加典則以厚始終今遣使大中大夫尚書工部侍郎上柱國汾陽郡開國侯食邑一千戶賜紫金魚袋郭贊持節冊贈爾爲秦國王嗚呼德無不報予敢忘於格言魂而有知爾尚欽於天命嗚呼哀哉命中使護其喪歸葬洛陽自鏐至俟世有吳越之地僅百年管内諸州皆子弟將校授任而後請命於朝有至使相者俟任太師尚書令兼中書令四十年爲元帥三十五年及歸朝卒子惟演惟濟皆童年召見慰勞並起家諸衛將軍善始令終窮極富貴福履之盛近代無比然甚儉素自奉九薄常服大帛之衣幃帳茵褥皆用紫純食不重味頗知書雅好吟咏在吳越日自編其詩數百首爲正本集因陶穀奉使至杭州求爲之序性謙和未嘗忤物在藩日每朝廷使至接遇勤厚所上乘輿服物器玩制作精妙每遣使修貢必羅列於庭焚香再拜其恭謹如此崇信釋氏前後造寺數百歸朝又以愛子爲僧善草書上一日遣使謂曰聞卿善草聖可寫一二紙進來俟即以舊所書絹圖上之詔書褒美因賜玉硯金匣一紅綠象牙管筆龍鳳墨蜀箋盈丈紙皆百數屬久病家居有黃門趙海被酒造其第求見因出藥數丸謂俶曰此頗療目疾願王即餌之俶即餌焉既去家人皆惶駭不測俶曰此但醉耳又何疑哉後數日上聞大驚捕海繫獄決杖流海島初俶爲胡進思所立廢其兄倬徙越州資給豐厚進思屢請除之恐爲後患俶泣曰若殺吾兄吾終不忍汝欲行其志吾當退避賢路進思慚而退俶慮進思害徐遣親將薛溫爲徐守衛戒之曰委汝以保全廢王苟有非常汝當以死扞之溫至越旬

餘有二卒夜持刃踰垣入徐閤戶拒之呼聲達于外溫領徒而入斃二卒於庭中乃進思之所遣也進思因憂懼疽發背卒後左右屢有以徐爲言俶終拒之俶居越州二十餘年卒俶自建隆以來貢奉不絕及用兵江左所貢數十倍先是鏐與戰士多賜己姓後俶歸朝皆稱同宗淳化三年詔令復本姓又浙中劉氏避鏐諱改爲金氏亦令還故景德中有司請以禮賢宅爲司天監具宗以先朝所賜不許大中祥符八年子惟演等復表上之詔賜錢五萬貫仍各賜第一區子惟濟惟治惟演惟灝惟潛惟濟惟宣至詔州團練使惟灝賀州團練使惟潛至左龍武將軍獎州刺史惟演自有傳

錢惟濟

按宋史吳越世家惟濟字禹川俶嫡子也裁數歲俶表授鎮海鎮東兩軍節度副大使檢校太保鈴轄兩浙管内土客諸軍事建隆元年加檢校太傅三年領建武軍節度乾德初加檢校太尉是年冬來朝因侍祀南郊六年復來朝侍郊祀命兵部員外郎知制誥盧多遜迎勞之開寶二年授鎮東等軍節度浙江東西道觀察處置兩浙制置營田發運等使未幾來朝太祖召宴苑中令黃門奏蕭韶樂與諸王同席而坐賜白玉帶珠纈衣水晶鞍勒御馬賜資鉅萬計月餘遣歸辭日又賜襲衣玉帶金鞍勒馬四年又來朝因侍祀南郊寵待殊等及大兵征金陵惟濟從父下毗陵以功加平章事九年隨俶入朝俶先歸惟潛扈從郊祀西洛太宗即位加兼侍中太平興國二年丁母妃孫氏憂起復加鎮東大將軍右金吾衛大將軍

員外置同正倣將入朝惟濬先奉方物來貢詔戶部郎中侯涉至泗州迎勞之賜賚無算并增其食邑三年隨倣來朝倣盡獻浙右之地改封淮海國王徙惟濬淮南節度是冬郊祀恩加檢校太師從平太原及從征幽薊又從幸大名雍熙元年郊祀改山南東道節度四年徙鎮安州惟濬雖再移鎮常留京師端拱初籍田封蕭國公倣薨起復加兼中書令惟濬與倣諸子共進錢金綾羅犀玉帶笏犀角象牙丁香金玉馬腦鞍勒金玉珠翠首飾樂器博具器皿什物馬橐駝牛驢車凡數十萬計倣妻俞氏又進金銀十餘萬犀二十株通犀類犀玉帶二十二條水晶佛像十二事惟濬又進女樂十人不納各賜錦綵三十段遣還之淳化初杭州以錢氏家廟所藏梁唐以來累朝所賜玉冊竹冊各三副鐵券一來上上悉以賜惟濬明年春得疾暴卒年三十七廢朝二日追封邠王諡安僖中使典喪事子守吉守讓守吉至西京作坊使守讓字希仲以蔭累遷供備庫使天禧四年錄諸國之後加領榮州刺史改東染院使卒守讓頗勤學為文章退居多閉關讀書屢獻歌頌真宗優詔褒獎有集二十卷子娶曹王元偁女長安縣主

錢惟治

按宋史吳越世家惟治字和世廢王侁之長子侁初遷於越而惟治生倣愛之養為己子幼好讀書八歲授兩浙牙內諸軍指揮使判軍糧營田事又改德化軍使遷檢校太保台州團練使乾德四年四月制授寧遠軍節度檢校太傅仍兼衙職與惟濬節旄同日而至國人榮之王師討江南惟治從倣率兵下常州

策勵改奉國軍節度倣入朝命惟治權發遣軍國事倣還令奉幣入貢撫諭命賜甚厚惟治又獻望金銀香獅子香鹿鳳鶴孔雀寶裝綵合卸金磁器萬事吳縑綾千匹解日賜衣衣玉帶塗金鞍勒馬金銀器繒綵踰萬計太宗嗣位進檢校太尉太平興國三年倣再入覲又權國事一夕殿中火惟治率兵臨高下視令親信十數輩仗劍中令敢後顧者斬頃之火息妻族有隸帳下者恃親犯法惟治命杖背於府門倣既納土朝廷命考功郎中范旻知杭州惟治奉兵民圖籍帑廩管衛授旻與其弟惟濬權歸朝次近郊遣內侍護諸司供帳迎勞至京師即日召對長春殿賜衣服金帶鞍勒馬器幣帛領鎮國軍節度五年八月車駕幸倣第召見惟治賜白金萬兩惟治善草隸尤好二王書嘗曰心能御手手能御筆則法在其中矣家藏書帖圖書甚衆太宗知之嘗謂近臣曰錢倣兄姪多工草書因命翰林書學賀正顯詣其第徧取視之曰諸錢皆效浙僧亞棲之迹故筆力軟弱獨惟治為工耳惟治嘗以鍾繇王羲之唐元宗墨跡凡七軸為獻優詔褒賚雍熙三年大出師征幽州命惟治知真定軍府兼兵馬都部署前一日曲宴內殿惟治獻詩帝覽之悅酒半遣小黃門密諭北面之寄至則訓兵亭士頗動政務設廚饌於城門以待使傳初惟濬雖倣嫡嗣然倣以其放蕩無檢放器惟治再傳權國務嘗一夕倣暴疾孫妃悉斂符籙付惟治後惟濬知之甚恚恨迫入朝惟濬止奉朝請而委惟治藩任焉倣薨召還起復檢校太師移病就第百日有司請龍奉特詔續給累上表請罷節鎮優詔不許惟治既病

心恍惚家事不肅咸平初僮奴以姦私殺人於庭事連閭閻真宗為停按鞠止投監門衛上將軍其子鄒部員外郎不責授鄆州團練副使晚年頗貧賈景德中其弟惟演獻文上對宰相稱其公王之後能苦心翰墨令記其名因曰錢氏繼世忠順子孫可念如聞惟治頗貧乏尤可軫惻特轉右武衛上將軍月給奉十萬累加左驍衛上將軍左神武統軍大中祥符七年七月卒年六十六贈太師初有司援統軍陳承昭孟班例當贈東官保傅上以倣率土歸國優其贈典又聞羣臣家貧之者不欲官給喪事為罷罷葬錄其四子官及外弟子瑤親校並甄擢之惟治好學聚圖書萬餘卷多異本慕陸為詩有十卷書述多為人藏祕晚年雖病廢猶或揮翰真宗嘗語惟治曰朕知惟治工書然以疾不欲遣使往取卿為求數幅進來翌日寫聖製詩數十章以獻賜白金千兩初鎮四明嘗夢神人被甲自稱西嶽神謂惟治曰公面有闕文即捧土培之後領華州節鉞三十年子丕字簡之幼好學雍熙中倣上言欲求舉進士太宗以其世家子特召試內署授祕書丞賜金紫累遷駕部郎中嘗知新淦縣又知衡州惟治卒以將作少監起復俄為三司戶部判官卒於光祿少卿

孟元喆

按宋史西蜀世家孟昶子元喆字遵聖幼聰悟善隸書年十四偕封泰王檢校太尉同平章事判六軍諸衛事嘗自書姚崇口箴刻諸石相賜以銀器錦綵廣政二十一年領武德軍節度二十四年加兼侍中二十五年立為皇太子朱師將至以元喆為元帥精卒

萬餘旌旗用文綉以錦綢其杠是日微雨元喆慮霖濕令解去俄雨止復飾之旌幟數千皆倒繫杠上識者異之及聞劔門陷遂奔東川數日棄軍還歸入朝與昶同日宣制檢校太尉奉寧軍節度昶卒賜元喆羊五百口酒五百壺元喆獻馬二百匹白玉水晶鞍勒副之移鎮貝州在鎮十餘年亦有治迹太平興國初移鎮定州三年加開府儀同三司四年從平太原就命爲鎮州駐泊兵馬鈐轄又從征幽州率所部攻城之西面會班師遣與軍器庫使藥可瓊深州刺史念金鏤左龍武將軍趙延進殿前都虞候崔翰四方館使梁廻翰林使杜彥圭帥兵歸屯定州俄契丹入寇元喆與諸將校破之徐河以功封滕國公入爲左龍武軍統軍判右金吾衛仗未幾知滑州淳化初病求換潁淮一小郡養疾移知滁州卒年五十五贈侍中初元喆在貝州凡民輸稅者皆令出商算規其餘羨以備畱使之用人煩苦之景德中都官員外郎孔擇使河北表論其事詔除之有子十五人隆記隆詒隆說隆詮並進士及第

李從誦

按宋史南唐世家李煜弟從誦本名從謙僞封吉王後降封謬國公隨煜歸朝爲右領軍衛大將軍遷右龍武大將歷知隨復成三州上表改名淳化五年上言貧不能自給求外任以本官充武勝軍行軍司馬月給奉錢三萬千仲偃大中祥符八年舉進士

欽定古今圖書集成明倫彙編官常典

第一百七十二卷目錄

勳爵部名臣列傳三

金

耶律懷義

元

耶律雷哥

巴而朮阿而忒的斤

明

李思齊

乃燕

官常典第一百七十二卷

勳爵部名臣列傳三

金

耶律懷義

按金史本傳懷義本名字迭邈宗室子年二十四以戰功累遷同知點檢司事宗翰已取西京遼主謀奔於夏懷義諫止之不見聽乃竊取遼主廐馬來降太祖自燕還師雷哥幹魯經略西方懷義領謀克從軍天會初帥府以新降諸部大小遠近不一令懷義

易置之承制以爲西南路招討使乃擇諸部衝要地建城市通商賈諸部兵革之餘人多匱乏自是衣食歲滋畜牧蕃息矣從宗翰伐宋降馬邑破鴈門屯兵進攻太原以所部別降清源縣徐溝鎮遂與諸將別屯汾州之境時河東陝西路兵來救太原劉光世折可求柵於文水西山懷義捕得生口盡知宋兵屯守要害乃分兵襲敗之明年再伐宋從婁室取汾州及其屬邑遂過平陽出澤潞以趨河陽所至皆降及大軍圍汴懷義屯京西汴城既下宋兵之出奔者邀擊盡之從攻鄭鄆州及討平鄆州叛者攻下濮州及雷澤縣從破大名東平府徐兗等州皆有功七年還鎮十年加尚書左僕射改西北路招討使懷義在西陲幾十年撫御有恩及去老幼遮道攀戀數日不得發天眷初爲太原尹治有能聲改中京雷哥守從宗竊過烏納水還中京以老乞致仕不許改大名尹命不赴治所止以俸僚給之每歲春水扈從餘聽自便明年再請老得謝給俸僚之半海陵即位封漆水郡王進封莘王久之進封蕭王正隆例封景國公其子神都幹爲西北路招討都監迎侍之官神都幹從海陵南征懷義卒於雲中年八十二

元

耶律雷哥

按元史本傳雷哥契丹人仕金爲北邊千戶太祖起兵朔方金人疑遼遺民有他志下令遼民一戶以二女真戶夾居防之雷哥不自安歲壬申遁至陸安韓州糾壯士剽掠其地州發卒追捕雷哥皆擊走之因與耶的合勢募兵數月衆至十餘萬推雷哥爲都元帥耶的副之營帳百里威震遼東太祖命按陳那衍渾都古行軍至遼遼之問所從來雷哥對曰我契丹軍也往附大國道阻馬疲故逗遛於此按陳曰我奉旨討女真道與爾會庸非天乎然爾欲効順何以爲信雷哥乃率所部會按陳于金山刑白馬白牛登高北望折矢以盟按陳曰吾還奏當以征遼之責屬爾金人遣胡沙帥軍六十萬號百萬來攻雷哥聲言有得雷哥骨一兩者賞金一兩肉一兩者賞銀亦如之仍世襲千戶雷哥度不能敵亟馳表聞帝命按陳宇都歡阿魯都罕引千騎會雷哥與金兵對陳于迪吉腦兒雷哥以姪安奴爲先鋒橫衝胡沙軍大敗之以所俘輜重獻帝名按陳還而以可特哥副雷哥屯其地衆以遼東未定癸酉三月推雷哥爲王立妻姚里氏爲妃以其屬耶斯不爲郡王坡沙僧家奴耶的李家奴等爲丞相元帥尚書統古與者撥行元帥府事國號遼甲戌金遣使青狗誘以重祿使降不從青狗度其勢不可反臣之金主怒復遣宜撫萬奴領軍四十餘萬攻之雷哥逆戰於歸仁縣北河上金兵大潰萬奴收散卒奔東京安東同知阿憐懼遣使求附於是盡有遼東州郡遂都咸平號爲中京金左副元帥

移刺都以兵十萬攻雷哥拒戰敗之乙亥雷哥破東京可特哥娶萬奴之妻李僊娥雷哥不直之有隙既而耶斯不等勸雷哥稱帝雷哥曰向者吾與按陳那衍盟願附大蒙古國削平疆宇倘食其言而自爲東帝是逆天也逆天者必有大咎衆請愈力不獲已稱疾不出潛與其子薛蘭奉金幣九十車金銀牌五百至按坦字都罕入覲帝曰漢人先納款者先引見太傅阿海奏曰劉伯林納款最先帝曰伯林雖先然迫于重圍而來未若雷哥仗義効順也其先雷哥既見帝大悅謂左右曰凡雷哥所獻白之於天乃可受遂以白氈陳於前七日而後納諸庫因問舊何官對曰遼王帝賜金虎符仍遼王又問戶籍幾何對曰六十餘萬帝曰可發三千人爲質朕遣蒙古三百人往取之汝亦遣人偕往雷哥遣大夫乞奴安撫禿哥與俱且命詰可特哥曰汝妻萬奴之妻悖法九甚其拘繫以來可特哥懼與耶斯不等給其衆曰雷哥已死遂以其衆叛殺所遣三百人惟二人逃歸事聞帝諭雷哥曰爾毋以失衆爲憂朕倍此數封爾無吝也草青馬肥資爾甲兵往取家罕丙子乞奴金山青狗統古與等推耶斯不偕帝號於澄州國號遼改元天威以雷哥兄獨刺爲平章置百官方閱月其元帥青狗叛歸於金耶斯不爲其下所殺推其丞相乞奴監國與其行元帥鴉兒分兵民爲左右翼屯開保州關金蓋州守將衆家奴引兵攻敗之雷哥引蒙古軍數千通至得兄獨刺并妻姚里氏戶二千鴉兒引敗軍東走雷哥追擊之還遼遼河招撫懿州廣寧徙居臨潢府乞奴走高麗爲金山所殺金山又自稱國王改元天

德統古與復殺金山而自立喊舍又殺之亦自立戊寅雷哥引蒙古契丹軍及東夏國元帥胡士兵十萬圍喊舍高麗助兵四十萬克之喊舍自經死徙其民於西樓自乙亥歲雷哥納款遼東反覆耶斯不偕號七十餘日金山二年統古與喊舍亦僭二年至己卯春雷哥復定之庚辰雷哥卒年五十六妻姚里氏入奏會帝征西域皇太弟承制以姚里氏佩虎符權領其衆者七年丙戌帝還姚里氏攜次子善哥鐵哥未安及從子塔塔兒孫收國奴見帝于河西阿里湫城帝曰健鷹飛不到之地爾婦人乃能來耶賜之酒慰勞甚至姚里氏奏曰雷哥既歿官民乏主其長子薛蘭扈從有年願以次子善哥代之使歸襲爵帝曰薛蘭今爲蒙古人矣其從朕之征西域也回國太子於合迷城薛蘭引千軍救出之身中槩又於蒲華擣思干城與回格戰傷于流矢以是積功爲拔都魯不可遣當令善哥襲其父爵姚里氏拜且泣曰薛蘭者雷哥前妻所出嫡子也宜立善哥者婢子所出若立之是私己而蔑天倫婢子竊以爲不可帝嘆其賢給驛騎四十從征河西賜河西俘人九口馬九匹白金九錠幣器皆以九計許以薛蘭襲爵而雷善哥塔塔兒收國奴於朝惟遺其季子末安從姚里氏東歸丁亥帝召薛蘭謂曰昔女真猖獗爾父起兵自遼東會朕師又能割愛以爾事朕其情真慈可尚繼而奸人耶斯不等叛人民離散欲食爾父子之肉者今豈無人乎朕以兄弟視爾父則爾猶吾子爾父亡矣爾其與吾弟字魯古台並轄軍馬爲第三千戶薛蘭受命己丑從太宗南征有功賜馬四百牛六百羊二

百庚寅帝命與撒兒台東征收其父遺民移鎮廣寧府行廣寧路都元帥府事自庚寅至丁酉連征高麗東夏萬奴國復戶六千有奇戊戌薛蘭卒年四十六子收國奴襲爵行廣寧府路總管軍民萬戶府事易名石刺征高麗有功辛亥睿宗以石刺爲國宣力者三代命益金更造所佩虎符賜之佐諸王也苦及扎刺台控制高麗己未卒年四十五長子古乃嗣中統元年征河西三年征李璫破嶧山以功皆受賞至元六年朝廷併廣寧于東京去職是歲卒年三十六子忒哥薛蘭弟善哥賜名蒙古歹命從親王口溫不花己丑從攻破天城堡鳳翔府以功襲充拔都魯王辰引兵三千渡河會大軍平金後伐宋拔光州襄陽由千戶遷廣寧尹至元元年卒年五十二子天祐襲廣寧千戶改廣寧縣尹

乃燕

按元史木華黎傳木華黎次子速渾察速渾察子乃燕性謙和好學以賢能稱速渾察既薨憲宗擇於諸子命乃燕襲爵乃燕力辭曰臣有兄忽林池當襲帝曰朕知之然柔弱不能勝忽林池亦固讓乃燕頓首涕泣力辭不得命既而曰若然則王爵必不敢受願代臣兄行軍國之事於是忽林池襲爲國王事無巨細必與乃燕謀議剖決精當無所推滯世祖在潛藩嘗與論事乃燕敷陳大義又明習典故世祖謂左右曰乃燕後必可大用因號之曰薛禪猶華言大賢也乃燕雖居顯要而小心謹畏每誨群從子弟曰先世從太祖皇帝出入矢石間披堅執銳斬將奪旗勦勞四十餘年遂成功名以故一家蒙恩深厚可謂極矣

慎勿囑情以墮先王之名爾曹戒之病卒世祖聞之爲之悲悼至正八年贈中奉大夫遼陽等處行中書省參知政事護軍追封魯郡公子二人曰碩德曰伯顏察兒碩德通敏有幹才世祖卽位入宿衛典朝儀後同知通政院事嘗言遼東幹拙吉烈滅二種民數爲寇宜遣近臣諭之帝方難其人貪曰惟碩德元勳世可使帝深然之以問碩德對曰先臣從太祖皇帝定天下不辭艱險以立勳業陛下不以臣年少愚懇願請行帝大喜賜御衣錫燕以行碩德至集諸萬戶陳兵衛要詰其渠魁誅之脇從者皆降帝大悅賞賚有差後從征乃顏及使西域屢建殊勳卒贈推忠宣惠寧遠功臣諡忠敏加贈資善大夫嶺北等處行中書省右丞上護軍追封魯郡公

巴而木阿而忒的斤

按元史本傳巴而木阿而忒的斤亦都護亦都護者高昌國主號也先世居畏兀兒之地有和林山二水出焉曰禿忽刺曰薛靈哥一夕有神光降於樹在兩河之間人卽其所而候之樹乃生嬰若懷妊狀自是光常見越九月又十日而樹瘻裂得嬰兒者五土人收養之其最稚者曰不可罕既壯遂能有其民人土田而爲之君長傳三十餘君是爲玉倫的斤數與唐人相攻戰久之議和親以息民罷兵於是唐以金蓮公主妻之斤之子葛勵的斤居和林別力跋力答言婦所居山也又有山曰天哥里于答哈言天靈山也南有石山曰胡力答哈言福山也唐使與相地者至其國曰和林之盛疆以有此山也查壞其山以弱其國乃告諸的斤曰旣爲婚姻將有求於爾其與之乎

福山之石於上國無所用而唐人願見的斤遂與之石大不能動唐人以烈火焚之沃以醢醋其石碎乃輦而去國中鳥獸爲之悲號後七日玉倫的斤卒災異屢見民弗安居傳位者又數亡乃遷於交州交州卽火州也統別失八里之地北至阿木河南接酒泉東至兀敦甲石哈西臨西蕃居是者九百七十餘載而至巴而木阿而忒的斤臣於契丹歲已巳開太祖與朔方遂殺契丹所置監國等官欲來附未行帝遣使使其國亦都護大喜卽遣使入奏曰臣聞皇帝威德卽棄契丹舊好方將通誠不自意天使降臨下國自今而後願率部衆爲臣僕是時帝征大陽可汗射其子脫脫殺之脫脫之子大都赤刺溫馬札兒禿薛十四人以不能歸全屍遂取其頭涉也兒的石河將奔亦都護先遣使往亦都護殺之四人者至與大戰於稽河亦都護遣其國相來報帝復遣使還諭亦都護遂以金寶入貢辛未朝帝於怯綠連河奏曰陛下若恩顧臣使臣得與陛下四子之末庶幾竭其犬馬之力帝感其言使尚公主也立安敦且得序於諸子與者必那演征罕勉力鎮潭回同諸國將部曲萬人以先紀律嚴明所向克捷又從帝征你沙卜里征河西皆有大功旣卒而次子玉古倫赤的斤嗣玉古倫赤的斤卒子馬木刺的斤嗣將探馬軍萬人從憲宗伐宋合州攻釣魚山有功還火州卒至元三年世祖命其子火赤哈兒的斤嗣爲亦都護海都帖木迭兒之亂畏兀兒之民遭亂解散於是有旨命亦都護收而撫之其民人在宗王近戚之境者悉遣還其部畏兀兒之衆復輯十二年都哇卜思巴等率兵十二萬

圍火州聲言曰阿只吉奧魯只諸王以三十萬之衆猶不能抗我而自潰爾敢以孤城當吾鋒乎亦都護曰吾聞忠臣不事二主吾生以此城爲家死以此城爲墓終不能從爾也受圍凡六月不解都哇以書繫矢射城中曰我亦太祖皇帝諸孫何以不附我且爾祖昔尚公主矣爾能以女與我則休兵不然則急攻爾其民相與言曰城中食盡力已困都哇攻不止則相與俱亡矣亦都護曰吾豈惜一女而不以救民命乎然吾終不能與之相見以其女也立亦黑迷失別吉厚載以茵引繩縋城下而與之都哇解去其後入朝帝嘉其功錫以重賞妻以公主曰巴巴哈兒定宗之女也又賜鈔十萬錠以賑其民還鎮火州屯於州南哈密力之地兵力尚寡北方軍忽至其地大戰力盡遂死之子紐林的斤尚幼詣闕請兵北征以復父讎帝壯其志賜金幣巨萬妻以公主曰不魯罕太宗之孫女也公主薨又尚其妹曰八卜乂有旨師出河西俟北征諸軍齊發遂留未昌會吐蕃脫思麻作亂詔以榮祿大夫平章政事領本部探馬等軍萬人鎮吐蕃宣慰司威德明信賊用斂迹其民賴以安武宗召還嗣爲亦都護賜之金印復署其部押西護司之官仁宗始稽故實封爲高昌王別以金印賜之設王傳之官其王印行諸內郡亦都護印行諸畏兀兒之境八卜乂公主薨復尚公主曰兀刺真安西王之女也領兵火州復立畏兀兒城池延祐五年薨子二人長曰帖木兒補化次曰籠吉皆八卜乂公主所生也帖木兒補化大德中尚公主曰朵兒只思蠻闊端太子孫女也至大中從父入覲備宿衛又事皇太

后於東朝拜中奉大夫領大都護事又以資善大夫出爲華昌等處都總帥達魯花赤奔父喪於未昌請以王爵讓其叔父欽察台叔父力辭乃嗣爲亦都護高昌王至治中領甘肅諸軍仍治其部泰定中召還與威順王寶徹不花宣靖王買奴靖安王闊不花分鎮襄陽俄拜開府儀同三司湖廣行省平章政事文宗召至京師佐平大難時湖廣左丞有以忌嫉害政者詔命誅之帖木兒補化乃爲申請曰是誠有罪然不至死人服其雅量天曆元年拜開府儀同三司上柱國錄軍國重事知樞密院事明年正月以舊官勳封拜中書左丞相三月加太子詹事十月拜御史大夫其弟發吉乃以讓嗣爲亦都護高昌王

明

李思齊

按明外史本傳思齊字世賢羅山人汝穎兵起中原大亂元師出久無功至正十二年思齊與察罕帖木兒集義旅襲破羅山元以思齊知汝寧府十七年宋將李武崔德援陝西同察罕援之武德降遷四川行省右丞明年同察罕敗李喜喜兵於鞏昌二十一年平伏羌諸縣別遣兵敗明王珍於嘉定踰二年李羅帖木兒遣竹良襲據陝西思齊與擴廓帖木兒部將

豹高合兵攻貞隆之二十五年封思齊許國公尋加平章政事外國公思齊故與察罕鄉里同起兵苗位相將無所降屈察罕死擴廓總天下軍以檄徵思齊思齊怒曰吾與若父交若父進酒三拜然後飲若髮未燥敢徵我耶令一騎母出關與張良弼孔興脫列伯連兵拒擴廓索羅襲據京師元太子命率所部勤王又屢詔進取川蜀又命爲副總統捍禦關中皆不奉詔洪武元年聞明師已取河南乃解而西與張良弼拒守潼關會火焚良弼營思齊遂退軍葫蘆灘遣部將張德欽薛飛等守關都督馮勝進攻克之思齊走鳳翔是時思齊總關陝秦隴之師西至吐蕃東至商維南至磴頭北至環慶擁精甲十餘萬人倚之而思齊與擴廓尋兵不已明師下山東元都危逼卒坐視不救明師遂長驅下河南不期月而亡亡初太祖嘗遣使致書思齊思齊執使者戮之及是復以書諭之曰前遣使通問未還豈所使非人忤足下意羈留之與抑元使適至不能隱而殺之與昔足下在秦中兵衆地險張思道專尚詐力孔興等徒自守擴廓帖木兒兵屢出沒然皆非勁敵足下不以此時圖秦自王今中原盡爲我有向與足下相犄角者皆披靡竄伏而欲以孤軍相持豈有濟哉如或深入沙漠將圖後舉既非族類其心必異且從行之衆必不樂居於彼一旦變生肘腋妻孥不相保矣足下祖宗墳墓皆在汝南獨不念及乎誠能以信相許審決去就當待以漢寶融之禮否則非所知也思齊得書欲降其養子趙琦等誘之西入吐蕃二年三月馮勝師至鳳翔思齊懼盡率所部與琦等奔臨洮大將軍徐達

知思齊無固志遂遣勝進逼之而琦等先竄寶貨婦女遁匿思齊窮蹙遂舉臨洮降至京入見太祖以其識天命視他將個強者爲優深嘉慰之命爲江西行省左丞不之官三年從大將軍破定西還取興元論功賜文綺進中書平章食祿不視事七年遣往招諭擴廓至則待以禮尋命騎士送之歸至塞下辭曰主帥有命請留一物爲別思齊曰吾遠來無所齎騎士曰願得公一臂思齊知不可免遂斷與之還未幾卒太祖親爲文祭之子世昌金吾指揮同知

欽定古今圖書集成明倫彙編官常典

第一百七十三卷目錄

勳爵部藝文一

十八侯銘

讓高陽侯印綬符策表

再讓高陽侯印綬符策表

加魏公曹操九錫文

魏諸臣勸進書有序

魏諸臣再勸進書有序

魏公謝封十郡加九錫書

讓費亭侯表

又讓封表

讓增封武平侯表

讓增封表

讓九錫表

謝襲費亭侯表

請封荀彧為萬歲亭侯表

請增封荀彧表

議田疇讓封教

封功臣令

奏祗子處中封爵令

與荀彧書

報荀彧書

策孫權九錫文

冊孫登為東中郎封侯策

爵論

又

後漢班固

蔡邕

前人

三國志

同前

同前

同前

魏武帝

同前

同前

同前

同前

同前

同前

同前

同前

同前

同前

同前

魏文帝

同前

王粲

前人

為鄭冲勸晉王賧

加公孫淵九錫詔

讓進王公之國對

與汝南王亮書

漢高祖功臣頌

阮籍

吳大帝

晉荀勗

傅咸

陸機

官常典第一百七十三卷

勳爵部藝文一

十八侯銘

鄭侯蕭何

航航相國弘策不追御國維綱秉統樞機文昌四友

漢有蕭何序功第一受封於鄴

將軍舞陽侯樊噲

歎歎將軍威蓋不當操盾千鈞拔主項堂與漢破楚

矯矯忠良卒為丞相帝室以康

將軍留侯張良

赫赫將軍受兵黃石規圖勝負不出帷幄令惠瞻仰

安全正朔國師是封光榮舊宅

太尉絳侯周勃

懿懿太尉醇厚朴誠輔翼受命應節御營歷位卿相

土國兼并見危致命社稷以寧

將軍平陽侯曹參

蹇蹇相國允忠克誠臨危處險安而匡傾典代之際

濟主立名身履國土秉御乾楨

丞相戶屬侯陳平

洋洋丞相勢諸師旅援攘楚魏為漢謀主六奇解厄

揚名于後

南宮侯張敖

堂堂張敖耳之遺萌以誠佐國序跡建忠功成德立

繫封南宮垂號萬春未保無疆

衛尉曲陽侯鄒商

衍衍衛尉德行循規遭兄食其限歿於齊橫恥愧景

剋頸自獻金紫褒表萬世不刊

將軍潁陽侯灌嬰

煌煌將軍輔漢久長威震呂氏姦惡不揚寇攘殄盡

躬迎代王功顯帝室萬世益章

將軍汝陰侯夏嬰

斌斌將軍鷹武是揚內康王室外鎮四方諸夏又安

流及要荒聲馳海內苗嗣紀功

將軍陽陵侯傅寬

休休將軍如虎如黑御師勒陳破敵以威靈金曜楚

火流烏飛將命仗節功績未垂

將軍信武侯靳歙

斤斤將軍忠信孔雅出身六師十二匹旅折衝扞難

遂寧天下金龜章德建號傳後

丞相安國侯王陵

明明丞相天賦挺直剛德正行不枉不曲功業成著

榮顯食邑臣呂奉主昭然不惑

將軍襄平侯韓信

桓桓將軍輔主克征奉使全璧身誅項營序功差德

履讓以平轉北而遊雲中以傾